

ԵԿԵՂԵՑԱԿԱՆ ԺԱՄԱՆԱԿԱԳՐՈՒԹԻՒՆ.

Մ Ա Յ Ր Ա Թ Ո Ռ

ՎԵՆ. Հայրապետ Տփլսիսում:

Վեհափառ Հայրապետը յունիսի 26-ին մեկնելով Մայր Աթոռիցս, 27-ին, առաւօտեան 6 ժամին ժամանել է Թիֆլիզ, Նորին Սրբութեանը ընդառաջել էին մինչև Սահահին կայարանը Թեմի Առաջնորդ Տ. Գարեգին արքեպիսկոպոսը, մի քանի հոգևորական և աշխարհական անձանց հետ:

Թիֆլիզի կայարանի հանդիսական դահլիճում Վեհափառ Հայրապետի ժամանումն շնորհաւորել է փոխարքայի կողմից Նորին պայծառափայլութեան ադիւտանդներէից մէկը և Թիֆլիզի օստիկանապետի պաշտօնակատարը:

Վեհափառ Հայրապետը կայարանից կառքով ուղևորուել է դէպի վանքի աւագ եկեղեցին, որի հրապարակում հոգևորականութիւնը, գլուխ ունենալով Տ. Գրիգոր արքեպիսկոպոս Գառնակերեանցին, եկեղեցական թափօրով ընդունել է Նորին Սրբութեան, որ մտնելով ամպհովանու տակ առաջնորդուել է դէպի եկեղեցի, ուր յատկացած աղօթքը կատարելուց յետոյ նոյն եկեղեցական թափօրով բարձրացել է առաջնորդարան:

Յունիսի 28-ին փոխարքայի ամուսին Կոմսուհի Վօրոնցովա-Դաշկովան գալով Մցխեթից՝ այցելել է Վեհափառ Կաթողիկոսին:

Նորին Սրբութեանը ներկայացել և օրհնութիւն են առել Փոխարքայի քաղաքացիական մասի օգնական սեփականոր Վատացին, զանազան բարձրագիւր պաշտօնեաներ,

Թիֆլիզի քաղաքագլուխը, Տաճկաց հիւպատոսը, հայ հաս-
տատութիւնների, եկեղեցիների, դպրոցների, բարեգործա-
կան հիմնարկութիւնների ներկայացուցիչները և այլ անձինք:

Յունիսի 29-ին առաւօտեան 11 ժամին Վեհափառ
Հայրապետը արտակարգ գնացքով, ուղեկցութեամբ թեմի
առաջնորդ՝ Տ. Գաբեգին արքեպիսկոպոսի, Սինոդի անդամ
Տ. Մեսրոպ եպիսկոպոսի, դիւանապետ Տ. Բագրատ վար-
դապետի և գաւազանակիր Տ. Մեսրոպ վարդապետի գնաց
Մցխէթ և այնտեղից աւտոմոբիլով ուղևորուեց փոխար-
քայի ամարանոցը, ուր ժամանեց 12-րդ ժամին: Փոխար-
քայ Կոմս Ի. Ի. Վորոնցով-Գաշկովը և իւր ամուսինը սիրով
և մեծ համակրութեամբ ընդունեցին Նորին Սրբութեանը
Թարգման էր Տ. Մեսրոպ եպիսկոպոսը, տեսակցութիւ-
նից յետոյ, Նոցին պայծառափայլութիւնները—Կոմս և
Կոմսուհին Վեհափառ Հայրապետին և Նորին Սրբութեան
հետևորդներին հրաւիրեցին նախաճաշի:

Այնուհետև Վեհափառ Հայրապետը այցելելով Մըց-
խէթի վրայ մայր եկեղեցին և հայոց եկեղեցին, արտա-
կարգ գնացքով, երեկոյեան 6 ժամին, վերադարձել է
Թիֆլիզ:

Յուլիսի 1-ին Կովկասի փոխարքայ Կոմս Ի. Ի. Վո-
րոնցով-Գաշկովը իւր ամուսինն Ելիզաւետա Անդրէեւնայի
և ընտանիքի միւս անդամների հետ առաւօտեան 10 ժա-
մին աւտոմոբիլով եկել է Թիֆլիզ և 1¹/₂ ժամ հանգըս-
տանալուց յետոյ 11¹/₂ ժամին փոխ-այցելութիւն է տուել
Վեհափառ Հայրապետին և Նորին Սրբութեան մօտ մնա-
ցել է մօտ կէս ժամ: Խօսակցութեան նիւթն եղել է դըպ-
րոցական խնդիրը: Վեհ. Հայրապետը, ի նկատի ունենով
Թուրքիայում շարունակուող սովը խնդրել է Փոխարքային
որ թոյլ տայ Թիֆլիզի նպաստամատոյց Յանձնաժողովի
գործունէութիւնը մի տարի էլ շարունակել, այլ և խնդ-

րել է, որ Տաթևի Հոգև. կառավարութիւնը Գորիսից նորից տեղափոխուի Տաթև, Փոխարքան երկու խնդիրներին էլ հաւանութիւն է տուել, ներկայացրել է մի մասնաւոր խնդիր էլ:

Նորին Կայսերական Մեծութեան Կովկասեան փոխարքան վերադառնալով պալատ՝ ընդունել է պաշտօնական անձանց, և երեկոյեան 7 ժամին իւր ընտանիքի հետ արագընթաց գնացքով մեկնել է Պետերբուրգ: Փոխարքային մինչև կայարան ուղեկցել են բարձրաւտիճան զինուորական և քաղաքացիական պաշտօնեաներ, իսկ Վեհափառ Հայրապետի կողմից՝ Թեմի առաջնորդ Գարեգին արքեպիսկոպոսը, Սինօգի անդամ Մեսրոպ եպիսկոպոսը, Դիւանապետ Բագրատ և Սինօգի անդամ Մատթէոս վարդապետները:

Վեհափառ Հայրապետը յուլիսի 2-ին այցելել է Ներսիսեան Հոգև. դպրոցի նոր շինութիւնը, Քամոյենց եկեղեցին և կուսանաց անապատը, որ վերանորոգւում է:

Վեհափառ Հայրապետը Թիֆլիզում յունիսի 7-ին այցելել է Գայեանեան դպրոցը և Կ. Հ. Բ. ընկերութեան շինութիւնը, Դպրոցի շինութեան մէջ զեկուցում և բացատրութիւն տուել է տեսուչ Ս. Աբովեանը, իսկ Կ. Հ. Բ. ընկերութեան շինութեան մէջ՝ ընկերութեան վարչութեան նախագահ Ս. Յարութիւնեանը:

Նորին Սրբութիւնը Գայեանեան դպրոցին նուիրել է 500 ռ.

Թիֆլիսի քահանաները ամենայն Հայոց

Կարողիկոսի մօտ

Ամսիս 12-ին, առաւօտեան ժամը 10-ին, Նորին Վեհափառութեան ներկայացան Թիֆլիսի քահանաները:

Նորին Սրբութիւնը, խօսք բանալով, ասաց մօտաւորապէս հետեւեալ խրատական ճառը՝ նախապէս հրաւիրելով կարգապահութեան և նկատելով այն թերութիւններին մասին, որ հասել են իրան Վեհափառ Կաթողիկոսին:

Թւելով մի քանի դէպքեր, երբ քահանաները մտնում են իրանց ծխականների տները միայն օրինակատարութիւնների ժամանակ, Վեհափառը շեշտեց, որ պէտք է սերտ կերպով կապ պահպանել ժողովրդի հետ, օգնութեան ձեռք կարկառելով ընտանեկան անախորժութիւններին, գթութիւնների ժամանակ, Գործակալներին նկատեց, որ նրանք պիտի կատարեն իրանց պաշտօնը բարեխղճութեամբ և ոչ թէ միայն ձեականօրէն: Վեհափառ Հայրապետը ի միջի այլոց նկատեց, որ երբ մէկը կրում է քահանայի և այն էլ աւագ քահանայի կոչում և նոյնիսկ թերթի էլ խմբագիր է, չէ կարող թոյլ տալ իրան փաստերի խեղաթիւրում և զրպարտութիւն:

Գնահատելով մամուլի մեծ նշանակութիւնը և քաջ գիտենալով, որ նա կարող է խոշոր ծառայութիւններ մատուցել ժողովրդին, երբ բարեխղճօրէն է կատարում իր պարտականութիւնները, սակայն Նորին Վեհափառութիւնը գտնում է, որ յանցաւոր է մամուլի այն մասը, որ ճշմարտութիւնն իմանալով հանդերձ՝ կեղծիք է կատարում, որ ասել է թէ՛ խեղաթիւրում է ճշմարտութիւնը և այնչափ է առաջ գնում, որ ի լուր ամենեցուն յայտարարում է, թէ Էջմիածինը իրանից ներկայիս մօխրակոյտ է ներկայացնում, և երբ այդ տողերը իր թերթի մէջ գրողը մի աւագ քահանայ է, հարց է ծագում, թէ ինչպէս աւագ եկեղեցու այդ աւագ քահանան թոյլ է տալիս իրան գրել նման աններելի լուրեր: Այս ախթով Նորին Սրբութիւնը յարեց, որ նման տգեղ երևոյթների համար իր առաջ պատասխանատու կը համարուի սրբազան առաջնորդը, եթէ ըմբոստներին արժանի պատիժը չի տայ:

Ապա նկատեց, որ երբ որեւէ քահանայ չէ կատարում իր պարտականութիւնները բարեխիղճ կերպով, նա իրաւունք չունի ուրիշներին նկատողութիւն անելու: Հնումը

քահանաները, որպէս ժողովրդի հայրեր, իրանց հօտին առաջնորդում էին դէպի լաւը, իսկ այժմ նրանք ընդհակառակը ժողովրդի թերահաւատտանալու և եկեղեցու կործանման պատճառ են դառնում:

Եւ դրութիւնը այնտեղն է հասել, քահանան այն ատիճան շեղվել է իր ուղիից, որ այժմ երեցկիւնը ամուսնալուծութեան խնդիր է յարուցանում:

«Ձեզ եմ հացնում, — յարեց Նորին Սրբութիւնը, — արդեօք սա տանելի՞ դրութիւն է:

«Սակաւաթիւ արժանաւոր քահանաներին ես դիտեմ՝ ըստ արժանւոյն գնահատել, իսկ անարժանները չեն կարող եկեղեցու ծոցում տեղ գտնել»:

Այս ամենից յետոյ Նորին Վեհափառութիւնը յորդոր կարդաց, որ բոլոր հաստատութիւնները և պաշտօնեաները իրանց պաշտօնը կատարեն բարեխղճօրէն, և առանձին կերպով շեշտեց, որ քահանաները խղճի մտօք կատարեն իրանց պարտականութիւնները, որովհետեւ քահանան առանց ժողովրդի քահանայ չէ:

Վերջը օրհնեց բոլորին, յոյս յայտնելով որ ուրիշ անգամ իր ականջին չեն հասնի աննպաստ լուրեր, որից յետոյ բոլորը համբուրեցին Նորին Վեհափառութեան աջը և գուրս ելան:

Թիֆլիզում Վեհափառ Հայրապետի հոգացողութեան գլխաւոր առարկաներն են եղել դպրոցական գործը, Մայր Տաճարի վերաշինութիւնը, ձեմարանի Տեսուչ գտնելը:

Յուլիսի 15-ին ցերեկուայ 4½ ժամին Վեհափառ Հայրապետը մեկնել է Տփլիսից Մայր Աթոռ գալու:

Նախքան մեկնումն ժամը 2-ից սկսած մարդիկ խումբ խումբ եկել են Վեհափառին ողջերթ մաղթելու և աջը համբուրելով օրհնութիւնը առնելու: Ժամը 3-ին հնչել են

Թիֆլիզի հայոց բոլոր եկեղեցիների զանգակները և քահանայական դասը փիլոններով նորին Սրբութեանը առաջնորդել է եկեղեցի, ուր նորին Սրբութիւնը աղօթելուց ժողովրդեան պահպանիչ առելուց յետոյ կառք նստելով իւր հետեւորդների և բաւական թուով ուղեկցողների հետ գնացել է երկաթուղու կայարան։ Կայարանի հանդիսականի դահլիճում քիչ հանգստանալուց յետոյ Վեհափառ Հայրապետը մտել է իւր համար պատրաստած վագոն — սալոնը. ուր հրաժեշտի ողջոյն և օրհնութիւնը տալով ազգային, հասարակական, եկեղեցական գործիչներին, մամուլի ներկայացուցիչներին և այլ ուղեկցողներին, մեկնել է Թիֆլիզից։ Վեհափառ Հայրապետին մինչև Սանահին ուղեկցել են Թիֆլիզի թեմի առաջնորդ Տ. Գարեգին արքեպիսկոպոսը և հոգեւորականներէրց մի քանիսը։

Վեհ. Հայրապետի վերադարձը Մայր Աթոռ

Յուլիսի 16-ին առաւօտեան 10 ժամին Վեհափառ Հայրապետը ժամանեց Մայր Աթոռս։ Տեղապահ Տ. Գէորգ արքեպիսկոպոսի կարգադրութեամբ Վեհափառ Հայրապետին դիմաւորեցին Մայր Աթոռոյս միաբաններից Տ. Տ. Յովհաննէս արքեպիսկոպոսը, Աշտ եպիսկոպոսը, Սինօգի անդամ Բարգէն, Վանական Կառավարութեան նախագահ Ներսէս, և Անտոն ու Խաչիկ վարդապետները, վերջիններս որպէս հայրապետական դրօշանշի խաչ դաւազան կրողներ։

Միաբանութիւնը գլուխ ունենալով Տեղապահ Տ. Գէորգ արքեպիսկոպոսին եկեղեցական թափօրով ընդունեց Վեհափառ Հայրապետին վանքի արտաքին դարւաղայի առաջ. Վեհափառ Հայրապետը շուջառ առնելով մտաւ ամպնովանու տակ, որի սիւնները բռնել էին Սինօգի աստիճանաւորները. թափօրը «Հրաշափառ» շարականով առաջ շարժուեց դէպի Մայր Տաճարը, որի աւագ դրան առաջ երգուել սկսուեց «Ուրախ լեր սուրբ եկեղեցի» շարականը, Վեհափառ Հայրապետը մտնելով տաճար Ա. Իջման տեղի առաջ կատարեց որոշեալ աղօթքի կարգը, և պահ-

պանիչ» աղօթքով օրհնեց միաբանութիւնն ու խոնուած ժողովուրդը:

Այնուհետեւ Վեհափառ Հայրապետը միաբանութեան յառաջընթացութեամբ բարձրացաւ Վեհարան:

Տեղապահ Տ. Գէորգ արքեպիսկոպոսը ներկայացրեց Վեհափառ Հայրապետին, նորին Սրբութեան բացակայութեան ժամանակ, Մայր Աթոռի դրութեան մասին հետեւեալ յայտարարութիւնը

«Նորին Վեհափառութեան...

Ըստ սրբատառ կոնդակի, թ. 1601 ի 24 յունիսի տարւոյս, տուեցելոյ ի Սրբութենէ Ձերմէ յանուն իմ իբրեւ Տեղապահ Վեհափառութեան Ձերոյ ի բացակայութեան Ձերում ի Մայր Աթոռոյս ի 26-րդէ յունիսի ց 16 ամսոյս արձակեցի զօրագիրս Սինօդի որպէս նախագահող Ատենին, հսկեցի ի վերայ գործունէութեանց ամենայն պաշտօնէից հաստատութեանց, ի վերայ տնտեսական կառավարութեան Մեծի տանս և ի վերայ կարգապահութեան ի Տաճարիս Պատշաճ և վայելուչ ընդունելութիւն մերազմեայ և օտարազգի հիւրոց և ուխտաւորաց եղև գլխաւոր հոգ իմ:

Արդ ողջանելով և շնորհաւորելով զբաղձալի վերագարձ Սրբութեան Ձերոյ ի դահ իւր և մատուցանելով զբանալիս ներքին գանձարանի Մայր Աթոռոյս, զյանձնեալս ինձ, շնորհ ունեմ գոհութեամբ և բերկրանօք վկայել զբարւոյր ընթացից, զպարտօճանաչ կարգապահութենէ և զանթերի կատարմանէ պարտուց միաբան եղբարց և պաշտօնէից, որք աղօթիւք Ձերովք ողջ և առողջ ըստ հոգւոյ և մարմնոյ եռանդեամբ և ամբասիր կենցաղավարութեամբ յարատեւեցին ի կատարման պաշտօնից և պարտականութեանց իւրեանց: Խնդրելով ի վերայ միաբանական ուխտիս զօրհնութիւն և զխնամս Վեհափառութիւն—Ձերոյ՝ մնամ...

Յուլիս 1-ին այցելեցին Մայր Աթոռս Պետերբուրգից ուսուցչապետ Վարդան Վարդանեան և ղեկավար Պօղոս Սուլթանչան, որոնք երևանով անցան Սևանի վանքը և

այն տեղից Դիլիջանի և Ղարաբիլիսի վերայով պէտք է վերադառնային իրանց բնակավայրը:

Յուլիսի 5-ին Վեհ. Հայրապետի յանձնարարականով Տիֆլիսից եկաւ Մայր-Աթոռս անդլիական եպիսկոպոս Վիլիամ Վիգորամ, ներկայացաւ Ամենապատիւ Տեղակալ Տ. Գէորգ արքեպիսկոպոսին, հիւրասիրուելով և գիշերելով Մայր Աթոռում: Հետեւալ օրը Իգդիրի վերայով ուղևորեց Վան, այնտեղ պաշտօնավարելու և հովուելու ասորիներին կազմած սակաւաթիւ հօտը: Եպիսկոպոսը ասիական լեզուներից խօսում է թուրքերէն: Նա 1907 թուին ևս եղել է Մայր-Աթոռում որպէս Զիրբալթարի եպիսկոպոսի հետևորդ:

Մոսկվայում կայ մի յանձնաժողով, որ Ռուսաստանում դպրոցական ճանապարհորդութիւններ է կազմակերպում՝ ճանապարհորդողներին Կայսերութեան եկրների հետ ծանօթացնելու համար:

Այդ յանձնաժողովի յանձնարարութեամբ Ռուսաստանի ներքին նահանգներից մի խումբ ուսուցչուհիներ գէպ ի Կովկաս ճանապարհորդելով՝ յուլիսի 8-ին հասան Մայր Աթոռ, գիշերեցին վանքի հիւրատանը, հիւրասիրուեցին և տեսնելով կարևոր հնութիւններն ու հաստատութիւնները գտնւում արտով հեռացան Անի գնալու և այնտեղից իրանց վերադարձի ճանապարհը շարունակելու համար:

Յուլիսի 15—17 Մայր Աթոռում հիւր էին մի խումբ այր և կին Գերմանացի ճանապարհորդներ թուով 24 հոգի, որոնց նպատակն է ծանօթանալ մօտաւոր արեւելքի հետ: Այս տարի առհասարակ ճանապարհորդների խմբերը բազմաթիւ են:

